

SCRIPT OF EVENING GOJRI NEWS BULLETIN 1 FEB 2025 1700HRS

اوننگ گوجری نیوز بولٹن 1 فروری 2025

یوہ آکاشوانی جموں بے محبوب سلطانی تے نصرت تیں خبر سُنو۔

HEADLINES

۱۔ وزیر خزانہ نرملا سیتا رمن نے قومی جمہوری اتحاد این دی ای کی تیجی مدت گو پہلو پورو بجٹ پیش کیو
بے جہڑو ترقی درمیانہ درجہ غا طبقہ کی بہتری ور مرکوز ہے۔
۲۔ وزیر خزانہ نے اعلان کیو جے ۲۱ لکھ روپیاں سالانہ غی آمدنی آلا نانہہ ٹیکس کی ادانگی توں چھوٹ دتی
جے غی۔

۳۔ جموں کشمیر نانہہ آئیندہ مالی سال واسطے ۱۴ ہزار کروڑ روپیا کی مالی مدد ملے غی۔
۴۔ لیفٹیننٹ گورنر منوج سنہا نے مرکزی بجٹ ۵۲۰۲ مانہہ درمیانہ درجہ غا طبقہ نانہہ راحت دین تے مجموعی
ترقی بارے بدلاؤ نانہہ سراہیو ہے۔
۵۔ چیف سیکرٹری اتل ڈلو نے کیو جے سرکار بے روز گاری گا خاتمہ واسطے صنعتاں نانہہ بادھو دے رہی
ہے۔

FIN MIN BUDGET

مرکزی وزیر داکلہ نرملا سیتا رمن نے آج لوک سبھا مانہہ ۵۲۰۲۔۶۲ بجٹ پیش کیو ہے۔ اس دوران اُنہاں نے
کہیو جے بھارت کی معشیت دنیا کی تمام دیگر ترقی کرن آلی معشیتاں مانہہ سب توں تیزی سنگ ترقی کر رہی
ہے۔ محترمہ سیتا رمن نے کیو جے اس بجٹ مانہہ ۰۱ وسیع شعباں ور توجہ مرکوز کی گئی ہے۔ تے یوہ بجٹ
سب نانہہ آگٹھو لے غے ایک جامع ترقی گو ہدف رکھے۔ وزیر خزانہ نے مزید کیو جے یوہ بجٹ ترقی نانہہ
بدھان گو ہدف رکھے تانجے وکست بھارت گا خواب نانہہ پورو کیو جاسکے۔ اُن غو کہنو تھو جو اس بجٹ
مانہہ ۶ اہم شعباں جن مانہہ توانائی شہری ترقی کان کئی مالیاتی اصلاحات شامل ہیں مانہہ بنیادی تبدیلی آئن گو
ارادو رکھیو گیو ہے۔

PM BUDGET

وزیر اعظم نریندر مودی نے کیو ہے جے مرکزی بجٹ ۵۲۰۲۔۶۲، ۱ سو ۰۴ بھارتیاں کی کواشات نانہہ پورو
کرن بارے حکومت گا عزم کی عکاسی کرے۔ بجٹ تو بعد اپنا پیغام مانہہ وزیر اعظم نے کہیو جے یوہ بجٹ
بھارت کی ترقی گا سفر مانہہ اک اہم سنگ میل ہے۔ جناب مودی نے کیو اس بجٹ سنگ ہر بھارتی گا کواب
پورا ہوسکے گا۔ اُنہاں نے اس بجٹ نانہہ موثر قرار دتو جہڑو بجٹ سرمایہ کاری تے دیگر سنگ ملک کی
ترقی نانہہ مزید بدھا وے گو اُنہاں نے کہیو۔

INCOME SLAB

عام لوکاں واسطے اک بڑی راحت کی خبر سناتا مانہہ وزیر خزانہ نرملا سیتا رمن نے اس گل گو اعلان کیو
ہے جے سالانہ ۲۱ لکھ روپیہ کی آمدنی ور کوئی ٹیکس ہون نہیں لیو جاسے۔ واضع رہے جے پہلاں ۷ لکھ تک
کی آمدنی رکھن آلا نانہہ ٹیکس دین توں چھوٹ دتی ہے تھی۔ اس سلسلہ مانہہ دسیو گیو ہے تنخواہ لین آلا افراد
واسطے یا حد ۲۱ لکھ ۵۷ ہزار روپیہ رکھی گئی ہے جس مانہہ ۵۷ ہزار روپیہ معیاری یعنی کٹوتی شامل ہے۔
اس نواٹیکس نظام سنگ درمیانہ درجہ غا طبقہ واسطے نمایاں کمی کی جے گی تانجے اُن غا خرچ پتر تے
سرمایہ کاری واسطے پیسہ کی موجودگی ہوسکے۔ اس ضمن مانہہ دسیو گیو ہے جے ۴ لکھ توڑی کوئی ٹیکس
نہیں دینو پیسے جدکہ ۴ تو ۸ لکھ بشکار آمدنی رکھن آلا نانہہ ۵ فی صد ۸ توں ۲۱ لکھ توڑی آمدنی رکھن آلا
نانہہ ۰۱ فی صد ۲۱ تو ۶۱ لکھ روپیہ آلا نانہہ ۵۱ فی صد ۶۱ تو ۰۲ لکھ روپیہ آلا نانہہ ۰۲ فی صد ۰۲ توں
۴۲ لکھ آلا نانہہ ۵۲ فی صد جدکہ ۴۲ لکھ تو متی آمدنی رکھن آلا نانہہ ۰۳ فی صد سالانہ ٹیکس دینو پے گو۔
اس نواٹیکس نظام گے تحت ۲۱ لکھ روپیہ کی آمدنی آلا ٹیکس دین آلا نانہہ ۰۸ ہزار روپیہ گو فائدو وے گو
جدکہ ۸۱ لکھ روپیہ آلی آمدنی آلا نانہہ ۰۷ ہزار جدکہ ۵۲ لکھ روپیہ کی آمدنی آلا نانہہ ۱ اشاریہ ۰۱ لکھ روپیہ
گو فائدو ہے۔ اس سلسلہ مانہہ آکاشوانی سنگ گل کرتا مانہہ اک کاروباری افراد نے اس طرح کہیو۔

FARMERS BENEFIT

وزیر خزانہ نرملا سیتا رمن نے کسان کرڈٹ کارڈ غی سبسڈی آلا قرض غی حد ۳ لکھ روپیاں تیں بدھا غے ۵ لکھ روپیہ کردتی ہے جس تیں ۷ اشاریہ ۷ کروڑ کسان مچھواراں تے دودھ بیچن آلا نانہ فائدو حاصل وے گو۔ اس تیں علاوہ حکومت نے لوکاں تے درمیانہ درجہ غ اکاروباریاں واسطے قرض غی ضمانت مانہ اضافو کیو ہے تے نکا کاروباریاں واسطے ۵ لکھ روپیہ غی حد آلا خصوصی کرڈٹ کارڈ متعارف کرن غو فیصلو کیو ہے۔ اس تیں علاوہ دسیو کیو ہے جے پردھان منتری دھن دھانیہ کرسی یوجنا غے تحت ۰.۱ ایسا ضلعان نانہ شامل کیو جے غو جت زرعی پیداوار کھٹ ہے۔ اس سکیم غو مقصد فصلاں غی پیداوار نانہ بدھانو تے کساناں نانہ فصل آگان غی ترغیب دینو تے آسان قرضو فراہم کرنو ہے، جس تیں ۱ اشاریہ ۷ کروڑ کساناں نانہ فائدو ملے غو۔ اس سلسلہ مانہ گل کرتا واں پونچھ گا ایک رہائشی نے اس طرح کہیو۔

JK BUDGET

مرکزی حکومت نے اج جموں کشمیر مرکزی زیر انتظام آلا علاقہ واسطے اگلا مالی سال ۵۲۰۲.۶۲ مانہ ۱۴ ہزار کروڑ ۷ لکھ روپیہ غو بجٹ مختس کرن غی تجویز پیش کی ہے یا رقم مرکزی زیر انتظام آلا علاقہ واسطے مرکزی بجٹ ۵۲۰۲.۶۲ غے تحت دتی جے گی۔ بجٹ غے مطابق جموں کشمیر نانہ دتی جان آلی مرکزی امداد مانہ کوئے اضافو نہیو کیو گیو۔ یعنی پچھلے سال جتنی مالی امداد ملی تھی، اتنی ہی اس سال وی دتی جے گی۔ کل ۱۴ ہزار کروڑ ۷ لکھ روپیہ بچوں ۰.۴ ہزار ۶ سو ۹۱ کروڑ تے ۰.۳ لکھ روپیہ جموں کشمیر غا وسائل غی کمی نانہ پورو کرن واسطے یعنی مالی خسارہ نانہ پورو کرن واسطے رکھیا گیا ہیں جدکہ ۲ سو ۹۷ کروڑ روپیہ مرکزی زیر انتظام علاقہ غا قدرتی آفات تیں نمڑن واسطے دتا جیں غاتے ۱ سو ۱ کروڑ ۷۷ لکھ روپیہ ڈھانچہ غا پروجیکٹ جسراں کہ سڑک عمارت تے پُل وغیرہ بنان واسطے دتا جیں گا۔

LG BUDGET

لیفٹیننٹ گورنر منوج سنہا نے وزیر خزانہ نرملا سیتا رمن غو وکست بھارت واسطے عملی بجٹ پیش کرن ور شکریہ ادا کیو۔ انہاں نے غریباں، نوجواناں، کساناں تے کواتین واسطے ترقیاتی اقدامات کرن ور وزیر اعظم نریندر مودی غو وی شکریہ ادا کیو۔ اپنا ایک پیغام مانہ جناب سنہا نے تاریخی تیکس اصلاحات نانہ سراہو، جہیزو درمیانہ طبقہ نانہ فائدو دے، تے سماجی تحفظ نانہ بہتر بناوے۔ انہاں نے بجٹ مانہ زراعت ڈھانچہ لوکاں تے درمیانہ درجہ غا کاروباری تے جدت ور دتا گیا زور غی تقریف کی۔ انہاں نے مزید کہیو کہ یوہ بجٹ معاشی ترقی نانہ تیز کرن تے پائیدار مواقع پیدا کرن مانہ مدد دے غو۔

ANNOUNCEMENT

علاقائی خبراں گو شعوبو آکاشوانی جموں مرکزی بجٹ ۵۲۰۲.۶۲ ور ۵۴ منٹاں ور مشتمل خصوصی پروگرام نشر کرے غو۔ اس خصوصی پروگرام مانہ مرکزی بجٹ ۵۲۰۲.۶۲ ور بکھ بکھ شعباں توں تعلق رکھن آلا ماہرین غو رد عمل پیش کیو جے گو۔ اس خصوصی نشریات نانہ ۲ فروری اتار آلے تہاڑے یعنی پلک رات ۸ بجے نشر کیو جے غو۔ اس ضمن مانہ تمام سامین مزید معلومات واسطے مارا سنگ میڈیم ویو ۹ سو ۰۹ کلو ہزد ۱ سو ۴ اشاریہ ۵ میگا ہیزڈ تے ۰.۱ اشاریہ ۳ ایف ایم نانہ سنتا ریو تے نال نال اپنی رائے غے ذریعے مہارا توڑی ضروری پُجا سکیں۔ rnujammu@gmail.com

CS

چیف سیکرٹری اتل دلو نے بھاگتھالی صنعتی علاقہ گو دورو کرغے اُت جاری ٹانچہ گی ترقی گو جائیزو لیو ہے۔ اس دوران انہاں نے کم گو معائینو کرن غے نال نال نوہ قائم کیا گیا صنعتی یو نٹس گو دورو کیو۔ ذرائع ابلاغ گا نمائندہ سنگ گل کرتا مانہ جناب ڈلو نے کیو جے حکومت گی طرفوں صنعتاں ور توجہ دتی جارہی ہے تے اس ضمن مانہ اس خطہ واسطے ۸۲ ہزار ۴ سو کروڑ روپیہ گی صنعتی پیکج وی اعلان کیو گیو ہے۔ انہاں نے اس گل نانہ آجاگر کرتا مانہ کیو جے بھاگتھالی مانہ اس ویلے ۳۱ بڑی صنعتی یونٹ ہیں اُن غو کہنو تھو جے حکومت روز گار پیدا کرن تے جموں کشمیر گی مالیاتی ٹانچہ نانہ مضبوط بنان واسطے مزید یونٹ قائم کرن گو عزم رکھے۔

DY CM VISIT

نائب وزیر اعلیٰ سریندر چودھری نے اچ جموں مانہ سرکاری پالیٹیکنیک کالج گو دورو کیو ہے۔ اس دورہ
غے دوران اُنہاں نے کلاس روم لیبارٹیاں تے طلبا نانہ دتی جان آلی دیگر سہولیات گو معائنو کیو اُنہاں نے
سرکار گی اس پہل نانہ اُجاگر کیو جس گو مقصد نوجواناں نانہ بکھ بکھ صنعتی ہنر سکھا نو ہے۔ تانجے وے
تکنیکی طور ور ماہر تے کاروباری بن سکے۔ اُنہاں نے اس گل ور زور پاتا مانہ کیو جے طلباء نانہ روز
ہگار تلاشی کرن آلا بنان گے بجائے روز گار دین آلو بنانوں ضروری ہے۔ تانجے وے اپنی کمائی کرن آلا
کاروباری یونٹ گو قیام کرسکے۔ نائب وزیر اعلیٰ نے کالج گی انتظامیہ نانہ ہدایت دتی جے وے اس گل نانہ
یقینی بناوے جے طلباء نانہ تعلیم تے ترقی واسطے تمام ضروری سہولت دستیاب وین۔
